

Ա. Հ. ԽԱԶՍՏՐՅԱՆ

ՀԱՔՔԱՐԻ ՔՐԴԱԿԱՆ ԻՇԽԱՆՈՒԹՅԱՆ ԿԱԶՄԱՎՈՐՄԱՆ ՀԱՐՑԻ ՇՈՒՐՋ (ԺԴ ԴԱՐ)

Քրդական ցեղերի մուտքը Հարավային Հայաստան և քրդական իշխանությունների կազմավորման խնդիրը առ այսօր հայագիտության մեջ հատուկ ուսումնասիրության առարկա չի դարձել: Հայկական աղբյուրների տեղեկությունների մանրակրկիտ ուսումնասիրությունը և դրանց համադրությունը Հայաստանի հարավ-արևմտյան գավառներում պահպանված արաբերեն վիմագիր արձանագրությունների հետ, մասամբ լույս է սփռում այդ իշխանությունների ժամանակագրության, տոհմաբանության և սոցիալ-քաղաքական պատմության վրա:

ԺԴ դարում Հարավային Հայաստանում արդեն նկատվում են քրդական մի քանի իշխանություններ, որոնց պատմությունը սերտորեն կապված է հայ ժողովրդի զգալի հատվածի պատմական ճակատագրի հետ և արժանի է հատուկ լուսաբանության:

Այդ իշխանություններից պետք է հիշատակել Բաղեշի (Ռոժակ ցեղի), Վան-Ոստանի (Շամոյան կամ Հաքքարի ցեղի) և ավելի փոքր իշխանություններ՝ Խիզանում, Հազոյում, Զերմուկում, Սպարկերտում, Բալուում և այլ գավառներում: Այս իշխանությունների շարքում առանձնահատուկ տեղ է գրավում Հաքքարի կամ Շամոյան (Շամբոյան, Շամոանից) քրդական իշխանությունը:

Մինչև վերջերս իշխում էր այն տեսակետը, որ Վանը, Ոստանը, Զուլամերիկը և Հաքքարիյան* ընդգրկող քրդական իշխանության հիմնա-

* Գիտական գրականության մեջ «Հաքքարի» տերմինը օգտագործվում է թե՛ որպես տեղանուն (գավառ), թե՛ որպես ցեղանուն-տոհմանուն (տե՛ս. „Hakkari“, El, N. E., tome 3, Leiden-Paris, 1971, p. 85, «حاکاری», «هککاری» لغة نامه, «حاکاری» تهران, 1971, p. 85): Մույն հոդվածում «Հաքքարի» տերմինով նկատի ունենը տոհմացեղային պատկանելությունը, ծագումը, իսկ գավառի կամ նահանգի համար ընդունում ենք արաբական մատենագրության այանդած «Հաքքարիյա» (حاکاریه) աշխարհագրական անվանումը:

հիվ պարզվեց, որ այս ամիրության հնագույն ներկայացուցիչը՝ հայկական աղբյուրներից մեզ հայտնի ամիր Եղգին-Շերը (Իզգ ադ-գին Շիր) իշխել է ոչ թե Ժն դարի վերջին քառորդում, այլ ԺԴ դարի 80-ական թվականներից²։ Բացի դրանից, Լ. Խաչիկյանը հիշատակարանների տրվյալներով ի հայտ բերեց այս իշխանական տան մի շարք ամիրների անուններ և քրդական այս ամիրության (և տոհմի) պատմության վերանայման հիմքը դրեց։ Նախորդ հետազոտողներից մի քայլ առաջ անցնելով, նա ի մի բերեց հայկական աղբյուրներում պահպանված ամիրության վերաբերյալ կցկտուր տեղեկությունները, ցույց տվեց, որ ԺԴ դ. 80-ական թվականներից հիշատակվող քուրդ ամիրները մեծ դեր են խաղացել Հայաստանի հարավային նահանգների քաղաքական կյանքում։

Սակայն վերոհիշյալ երկու տեսակետներն էլ վերանայման կարիք ունեն։

Սույն հոդվածում փորձել ենք քննության առնել սկզբնաղբյուրներում պահպանված տեղեկությունները Վան-Ոստանի հաքքարի իշխանության կազմավորման մասին, վերանայել հաքքարի իշխանների ճյուղագրությունը և ցույց տալ քրդական այս իշխանության ձևավորման ժամանակագրությունը և անկման պատճառները։

ԺԴ դարի առաջին կեսում քրդական ցեղերի տարածման մասին որոշ տեղեկություններ են տալիս հայերեն ձեռագրերի հիշատակարանները։ Այսպես, 1318 թ. գրված հիշատակարանը նշում է. «...արդ, ես ինդուրէկ դերձակս՝ ի յՈստան քաղաքի, գնեցի ի քրդու, զի էր գերի բերած սուրբ ավետարանս...»³։ 1338 թ. քրդական ցեղերը (զորախմբերը) հանդես են գալիս Չոբանյան տիրակալ Թամուրտաշի զորքերի մեջ, որը պայքար էր մղում Երզնկայում (և Արևմտյան Հայաստանում) անկախացած Ալա ադ-գին Հարաթնայի (էրեթնայի) դեմ. «...ի Ձէ հայոց թուականի (1338).... Տամուրտաշ յայտնեցաւ, և եկն ի վերայ աստուածապահ քաղաքիս Երզնկայիս, և ժողովեց զամենայն շուրջակայիցս զքուրթ և զթաթար, և պաշարեաց զքաղաքս...»⁴։ Այս վկայության մեջ ուշադրավ է հենց քրդական ցեղերի երևան գալու փաստը Չոբանյանների մոտ։ Կարելի է մտածել, որ նրանք հպատակվել էին Չոբանյաններին և ստանձնել զինական որոշակի օգնություն ցույց տալու պարտականություն։

Խլաթում պահպանված արաբերեն տապանագրի համաձայն ուրի II ամսին 728 (1328 թ. հունվարին) Խլաթի քրդերը սպանում են Խլաթի «Մեծ ամիր Թիմուրտաշ իբն Թուրտաշին»⁵։ Հավանաբար այս ժամանակահատվածին են վերաբերում Թովմա Մեծոփեցու խոսքերը. «Քուրդըն կողոպտեաց զտառապեալ երկիրն»⁶։

1351 թ. Կիլիկիայում գրված ավետարանի հիշատակարանում Կիրակոս գրիչը նշում է. «Յվ. Պ (1351) ի շար ե ի դառն ժամանակիս, զի վախ[ուցեա]լ էաք յերկրէն Ախրակո՛ր, ի պատերազմէ ալլազգաց...»⁷։ 1355 թ. Աղթամարում գրված Ավետարանի հիշատակարանում կարդում ենք. «...յաւուրս անիշխանութեան... զի բռնացեալ կալան զմիջերկրեայս ամենայն ազգատոհմ կարապետի Նեոխնն ասացեալ։ Եւ նեղեն յոյժ զազգս քրիստոնէից մինչև յեւս ոգւոց»⁸։ Ավելի ուշ՝ ալլ հիշատակագիր վկայում է, որ Ոստանի հայ ազգաբնակչութիւնը մեծ զրկանքներ է կրել 1377 թ. քրդերի խժոժութիւններէից. «բազումք ի քրիստոնէից սրախողող են ի քրդէն»⁹։

Չորանյանների անկումից (1357 թ.) հետո Հարավային Հայաստանն անցնում է շեխիրյան տիրակալների ձեռքը։ Սուլթան Ուլեյսի (1356—1374) հաջորդեց Հուսեյնը (1374—1382), որը սպանվեց Թավրիզում, եղբոր՝ Ահմադի կողմից։ Հարավային Հայաստանում այս ժամանակ իշխում էր Ուլեյսի մյուս որդին՝ Բայազիդը (1382—1384)¹⁰։

Ջեխիրյան սուլթան Ահմադը գահ բարձրացավ Թավրիզում 1382 թ.։ Բայց նրա դեմ դուրս եկան եղբայրները։ Հենվելով կարա-կոյունլու Կարա-Մուհամմադի զինական ուժերի վրա, նրան հաջողվում է պարտության մատնել եղբայրներին¹¹։ Սակայն իրադրութիւնը փոխվում է, և նա պետք է հաղթահարեր Հայաստանի կենտրոնական մասերում զորեղացած Կարա-Մուհամմադի վտանգը և վերջապես դիմագրավեր Ոսկե Հորդայի խան Թողթամիշի՝ 1384 թ. արշավանքը, բայց նա առանց դիմադրության փախչում է Բաղդադ¹²։ «...եւ դանն Թաւրիզու սուլդան Ահմատն ելեալ զնաց փախստական ճանապարհան Ռշտունեաց Ոստանու, առաջնորդութեամբ ամիրային Մառաց Եզդնա՝ ի Բաբելոն քաղաք, որ այժմ Պաղտատ կոչի, առ ազգականս և զօրս իւր. զի ի նոյն ժամանակին և նոցա տիրէին»¹³։ Հիշատակարանից երևում է, որ Ռշտունիքի քուրդ իշխան Եզդինը (Իզզ ադ-դինը) եղել է շեխիրյան սուլթան Ահմադի դաշնակիցը։

Թե երբ է հաստատվել Իզզ ադ-դին (Շիրը) Ոստանում կամ Վանում, այդ մասին արժեքավոր տեղեկութիւններ են տալիս ոչ միայն հայկական աղբյուրները, այլև Հարավային Հայաստանի արաբերեն վիճակագիր արձանագրութիւնները։ Այսպես, մինչև օրս Ոստանում կանգնած «Հալիմա Խաթուն-ի» դամբարանի մուտքի պարակալի արաբերեն շինարարական արձանագրության մեջ կարդում ենք.

۱. امر بعمارة هذه القبة الشريفة الملك عز الدين

۲. برسم المرحومة حلیمة خاتون فی معمر سنة ستة و ثلاثين و سبعماية

1. Հրամայեց կառուցել այս օրհնյալ դամբարանը (կուրբան) Մալիք Իզզ ադ-դիներ,

2. Հանգուցյալ Հալիմա Խաթունի նախագծմամբ (համար) յոթ հարյուր երեսուն վեց թվականի մուհառամ ամսին (21.VIII—20.IX. 1335)¹⁵:

Թեև դամբարանի այս վիմագիրը չի բովանդակում մալիք Իզզ ադ-դինի տոհմական պատկանելության մասին վկայող որևէ արտահայտություն, չի տալիս նրա հայրանունը և ճյուղագրությունը, սակայն հիմքեր կան ենթադրելու, որ նա ծագում է քրդական հաքքարի տոհմից¹⁶: Այս իշխանի ավելի վաղ գործունեության մասին տեղեկություններ չունենք, սակայն հայկական աղբյուրներում 1384 թվականից սկսած որպես Վանի և Ոստանի տեր հիշատակվում է «Եզդին-Շեր» անունով մի իշխանավոր, որը կարևոր դեր է խաղացել Հարավային Հայաստանի մի շարք գավառների քաղաքական կյանքում: Այս քուրդ իշխանը այնուհետև հիշատակվում է Թովմա Մեծոփեցու մոտ՝ Լանկթամուրի կողմից Վանի բերդի գրավման կապակցությամբ 1387 թ.:

Հայկական աղբյուրների վկայությունների և արաբերեն վիմագրի միջև գրեթե 50 տարվա տարբերություն է առաջանում: Մեզ թվում է, որ արաբերեն վիմագիրը հանդիսանում է հայկական աղբյուրներից Եզդին-Շեր անունով հայտնի իշխանի մասին պահպանված հնագույն վրկայությունը: Դամբարանի արաբական վիմագիրը փաստորեն ցույց է տալիս, որ Մալիք Իզզ ադ-դինը Ոստանում հաստատվել էր 736/1335 թ.: Թեև հետագա ժամանակահատվածում (1335—1384 թթ.) կոնկրետ տեղեկություններ չեն հասել Մալիք Իզզ ադ-դինի մասին, սակայն ավելի ուշ՝ սկսած 1384 թ. հայկական աղբյուրներում հիշատակվում է Եզդին-Շեր (Իզզ ադ-դին Շիր) իշխանը: Նրա մասին, Լանկթամուրի կողմից Վանի բերդի գրավման կապակցությամբ, Թովմա Մեծոփեցին հաղորդում է. «Եւ անտի շուեալ (Թամուրը—Ա. Խ.) գնաց ի գաւառն Տոսպայ ի վերայ ամրոցին Վանայ. եւ առ ժամայն ամիրայն Եզդին յազգէն Սենեքերիմեանց ոչ եկն առ նա, այլ ապստամբեալ ի նմանէ մնաց ի յամրոցին հանդերձ ամենայն զօրօքն եւ բազմութեամբ քրիստոնէից: Եւ յետոյ իշեալ ի յամրոցէն՝ գնաց առ նա. եւ նորա կալեալ կապեաց զնա. եւ եկեալ ի վերայ ամրոցին՝ քառասուն օր ի նեղութեան արկին եւ զբազումս սպանին ի զօրաց անօրէն Չաղաթային: Եւ նոցա նեղեալ ի հացէ եւ ի ջրոյ՝ ոչ կարացին կալ ի խսարին, եւ հտուն զբերդն ի ձեռս նոցա»¹⁷:

Թովմա Մեծոփեցու վկայությունը ուշագրավ նորություն է նաև նրբանով, որ այնտեղ հիշատակված է՝ «Եզդին յազգէն Սենեքերիմեանց»:

Այս հիշատակությունը Լ. Խաչիկյանին և Չ. Մանանդյանին հիմք է տրվել Լենթադրելու, որ Եզդին-Շեր ամիրը մայրական գծով սերում է Արծրունյաց հայ թագավորական տնից¹⁸։

Եթե հիմք ընդունենք Թ. Մեծոփեցու վկայությունը, «Եզդին յազգէն Սենեքերիմեանց», ապա կարելի է ասել, որ Ոստանի դամբարանի արաբերեն վիմագրում հիշատակվող Հալիմա Խաթունը հենց Իզդ ադ-դին Շիրի ոչ թե կինն է, այլ հայուհի մայրը, որի պատվին էլ կառուցված է բարձրարվեստ կոթողը։ Ըստ դամբարանի վիմագրի, Հալիմա Խաթունը 1335 թվականին արգեն մահացել էր։

Հայկական աղբյուրներից հայտնի Իզդ ադ-դին Շիրի կինը հիշատակվում է մի շարք վկայությունների մեջ։ Սկսած 1389 թ. ըստ այդ վկայաբանությունների Իզդ ադ-դին Շիրի կինը եղել է Փաշա Խաթուն անունով մի թուրքմենուհի¹⁹։ Այդ փաստը ճշտվում է Խաթուն մինչև օրս պահպանված Փաշա-Խաթունի արաբերեն տապանագրի տվյալներով։ Այնտեղ մենք կարդում ենք. «Տևր Աստված, օրհնիր քո խղճահարությունը և կարեկցությունը այս շիրիմում հանգիստ գտնող... Փաշա Խաթունին՝ դուստրը Մեծ ամիր և հանգուցյալ ամիր Շեյխ Շարաֆի՝ որդի մեծ ամիր Ամինի... որդի Թեգինի որդի ամիր Իզդ ադ-դին ալ-Ռոժակի (ալ-Ռոշակի, Ռոշկի). մահացել է յոթ հարյուր և [իննսուն] ութ թվականի ուշաբ ամսին (ապրիլ 1396)²⁰։ Այս արձանագրությունը ցույց է տալիս, որ Փաշա Խաթունը ոչ թե թուրքմենուհի է, այլ քրդական Ռոժակ ցեղից, և մահացել է 1396 թ.։ Բերված թվականը ժամանակագրական տեսակետից նաև համապատասխանում է հայերեն վկայաբանությունների տվյալներին։ Թեև արաբերեն արձանագրության մեջ չի ասվում, որ Փաշա Խաթունը Իզդ ադ-դինի կինն է, բայց նրա տոհմիկ ծագումն ու մահվան տեղը և թվականը հիմք են տալիս ենթադրելու, որ արաբերեն վիմագրի՝ Շեյխ Շարաֆի դուստր Փաշա Խաթունը պետք է լինի հենց նըշանավոր Իզդ ադ-դին ամիրի կինը, որը հայկական աղբյուրներից հայտնի է Փաշա Խաթուն անունով։

Վանի (և Ոստանի) տեղ Իզդ ադ-դինի իշխանության ժամանակագրությունը պարզելու համար դիմենք հայկական աղբյուրներին։

Եզդին (Իզդ ադ-դին) ամիրը, ինչպես ասվեց, հիշատակվում է որպես Վանի տեղ 1387 թ. Լանկթամուրի առաջին արշավանքի ժամանակ։ Նրա հետագա գործունեության մասին է վկայում Սիմեոն վարդապետի հիշատակարանը. «Պե՛տ թուին (1392) էաո Ամիր-էզդին զՈստան քաղաք յեղբօրէն իւրմէ, նաւասարդի ամիս, ի յայտնութեան պահոց երեքշաբթի, և շատ պակասութիւն էած քրիստոնէից»²¹։ Այս վկայությու-

նից երևում է, որ Ոստան քաղաքը 1392 թվականից առաջ գտնվել է Իզզ ադ-դինի եղբոր ձեռքում, որի անունը հայ հիշատակագիրը չի տալիս: Բարեբախտաբար մեկ այլ հիշատակարան պահպանել է ավելի հին և արժեքավոր վկայություն, որը լույս է սփռում Ոստանի նախկին տիրակալ Իզզ ադ-դինի եղբոր գործունեության վրա: Այսպես, 1386 թ. ավետարանը նորոգող ոմն Արղուն հիշատակում է. «...ի թուականիս Հայոց ՊՂԵ (1386), ես Արղունս, որ էի յապարանս ամիր Մելիք-Ասադի, յՈստան քաղաքի, ետու վերստին նորոգել զավետարանս հիշատակ ինձ և ծնաւդաց իմոց, հաւրն իմոյ Քուրդամիրի, և մաւրն իմոյ Հերիքտիկնայ և այլ ամենայն մերձավորաց»²²:

Լ. Խաչիկյանը նկատել է, որ այստեղ հիշատակած ամիր Մելիք-Ասադը պետք է լինի Ոստան քաղաքի քուրդ կառավարիչը կամ իշխանը²³: Այս վկայությունը փաստորեն լրացնում է նախորդ հիշատակարանի տվյալները, ըստ որի, Իզզ ադ-դինը Ոստանը գրավել էր եղբոր ձեռքից. այստեղ տրվում է հենց այդ եղբոր անունը՝ ամիր Մելիք-Ասադ, որը 1386 թ. եղել է հենց Ոստանի տիրակալը: Թե երբ է նա հաստատվել Ոստան քաղաքում, դժվար է ասել, բայց Հալիմա Խաթունի դամբարանի արաբերեն վիմագրի համաձայն 1335 թվականին Ոստանում իշխում էր Մալիք Իզզ ադ-դինը, որի ձեռքից էլ, հավանաբար, քաղաքը խլել էր եղբայրը՝ ամիր Մելիք-Ասադը: Վերջինիցս էլ քաղաքը նորից վերագրավել էր նրա եղբայր Իզզ ադ-դին ամիրը՝ 1392 թվականին:

1386 թ. հիշատակությունը ժամանակագրական տեսակետից հայկական աղբյուրներում ամենահին վկայությունն է՝ Ոստանում: Հաջորդի Մելիք-Ասադ իշխանի տիրապետության մասին:

1392 թ. սկսած հայերեն հիշատակարաններն արժեքավոր վկայություններ են հաղորդում քուրդ ամիր Իզզ ադ-դին Շիրի նոր ոտնձգությունների մասին. «Այս Ամիր-Նզդինս, որ հակառակ եղև Յուսուփին, տէրն Ոստանայ ի յ 842(1392) թուականին սպան զկաթողիկոսն Ադթամարա զՋաքարիա անուն...»²⁴:

Ջաքարիա կաթողիկոսն իրականում նենգաբար սպանվել է Ոստանի դատավոր Ջաֆերի ամբաստանության և հավատարմոխ լինելու պատերվակով՝ քաղաքի մուկաանդ մահմեդականների ձեռքով. նրա մահվան թվականը և օրը ճշտված է՝ 842 Մհհհկի 15-ը, որը համապատասխանում է 1393 (և ոչ թե 1392) թվականի հունիսի 25-ի շրեքշաբթի օրվան²⁵:

Քուրդ իշխանի հարաբերությունների սրումը կարա-կոյունլու Յուսուֆի հետ ըստ երևույթին կապված էր Վանա լճից արևելք գտնվող գավառների յուրացման հետ: Վերջինս ձգտում էր ամրապնդել իր պետու-

թյան սահմանները և գրավել քուրդ իշխանի տիրույթները, որոնք Վանա լճից արևելք և հարավ ընկած գավառներն էին և, փաստորեն, խանգարում էին նրա նվաճողական պլանների իրագործմանը: Կարա-կոյունլու պետության ամրապնդումը պահանջում էր առաջին հերթին վերջ տալ Վանի և Ոստանի քրդական իշխանություններ:

Իդզ ադ-դին Շիր (Ա.-ն) իր իշխանության սկզբնական շրջանում հրապարակվել էր Լանկիթամուրին (1370—1405)²⁶ և որպես նրա դաշնակից չաղաթայական զորագնդերի հետ շարունակում էր հանդես գալ Կարա-Յուսուֆի դեմ: Այդ մասին արժեքավոր տեղեկություններ է հաղորդում Թուլմա Մեծոփեցին. «Եւ ի նոյն աւուրս (1395) եկն տէրն Ոստանայ Ամիր-Նզդին անուն Չաղաթայիւք ի վերայ Յուսուֆին և պատերազմեցան սակաւ աւուրս, եւ դարձեալ հաշտեցան»²⁷: Այս վկայությունից երևում է, որ քուրդ իշխանն ակտիվ օգնություն է ցույց տվել Լանկիթամուրի զորքերին՝ Կարա-Յուսուֆին ջախջախելու գործում: Այլ աղբյուրների համաձայն, ցույց տված ռազմական օգնության համար Լանկիթամուրը Իդզ ադ-դինին նշանակել է Ավնիկ ամրոցի բերդապահը²⁸:

Կարա-Յուսուֆը սկսեց պատերազմ մղել Արճեշի իշխանի և Ոստանի տեր Իդզ ադ-դին իշխանի դեմ²⁹:

Մեծոփեցին այնուհետև շարունակում է. «Եւ ի միւս օրն Չաղաթայ Պարոն մի ի բերդէն Բասենու եկն 400 մարդով ի գիւղն Ադի յօգնութիւն ամիրային, եւ հհարց զխաղաղութիւն նոցին...»³⁰: Այս հատվածից երևում է, որ չաղաթայական զորքն օգնություն է ցույց տվել հենց Իդզ ադ-դին Շիր ամիրին, չնայած Մեծոփեցին չի հիշատակում ամիրի անունը, սակայն շարադրանքից և դեպքերի հաջորդականությունից ակնհայտ է, որ խոսքն այստեղ «Նզդին Շեր» ամիրին օգնություն ցույց տալու մասին է:

Պատերազմական գործողությունները Իդզ ադ-դին իշխանի և Կարա-Յուսուֆի միջև շարունակվում են: Թեև քուրդ իշխանին օժանդակում էին չաղաթայական զորքերը, բայց Կարա-Յուսուֆը կարողանում է բանտարկել քուրդ իշխանին. «Յայսմ ամի (1398) ըմբռնեցին զպարոնն Հայքարա, որ էր յոյժ խնամակալու ազգիս քրիստոնէից, առաւել քան զնախնիքն իւր, զի ըմբռնեցին զնա և դրին ի բանդի ի մէջ ծովու, և զաւրաք բազմաք եկին ի Ձորն Դիզա և աւար հարին մինչ ի Ջուլամէրկ և ի գաւառ, զոմանց զտուն այրեցին, զոմանց զվաստակ կերան և պահուստն զամէն գտան, և զանառիկ ամրոց Անին առին...»³¹:

Այս հիշատակությունից կարելի է կռահել, որ խոսքն այստեղ Իդզ ադ-դինի տիրույթները ավարառելու մասին է: Վկայության համաձայն

նրա տիրույթները տարածվում էին Դիզի ձորից (Փոքր Աղբակում) մինչև Զուլամերիկ և Անի ամրոցը: Քուրդ իշխանի բանտարկությունը 1398 թ. հաստատում է նաև այլ հիշատակագիր. «...գրեցաւ գիրքս ի գաւառս, որ կոչի Բարմն, որ է Ախբակ... յիշխանութիւն Միր Ալաղնի, և Ամիր Զէնդնի, որ է դեռ ըմբռնած ի մէջ կղզոյն Ախթամարայ...»³²:

Լանկթամուրի պետութեան, մասնավորապէս նրա մահից (807/1405 թ.) հետո Վանի և Ոստանի քուրդ ամիր իզզ ադ-դին Շիրը, նրա որդի «Մելիքը», ինչպէս նաև Բաղեշի տեր Շամս ադ-դինը հրապարակություն հայտնեցին Կարա-Յուսուֆին. «Իսկ թուրքմանն Յուսուֆ յետ սատակման Թամուրին ի յ 857 (1408) առեալ զսակաւ զօրս իւր տարապեալ և անզէն ելեալ ի բանտէն Դամասկոսի եկն վերստին յաշխարհս մեր, նախ ի քաղաք Բաղէշ: Եւ որդի ամիր Շարաֆին Շամշատին ամիրայն գնացեալ ընդ առաջ նորա՝ յոյժ մեծարեաց զնա հացով, ջորեօք, ձիովք, զինուք և ամենայն զինուորական և պատերազմական պատրաստութեամբք: Եւ արեալ եկն ի վերայ աշխարհին Ռշտունեաց և վանակերտին Վարազայ... եւ ապա եկեալ ի հնազանդութիւն Եզդին ամիրայն և Մէլիք որդին»³³: Բաղեշի քուրդ ամիր Շամս ադ-դինը եղել է Կարա-Յուսուֆի դաշնակից՝ ընդդէմ «թամուրյաններին»: Այս վկայութեան համաձայն Վան-Ոստանի տեր իզզ ադ-դին Շիրը նույնպէս հպատակություն է հայտնում Կարա-Յուսուֆին:

Ուշագրավ է, որ Թուլմա Մեծ֊Պիեցու վերոհիշյալ վկայության մեջ Եզդին ամիրի հետ հանդես է գալիս նաև նրա որդի «Մելիքը»: Վերջինս հայերեն ձեռագրերի հիշատակարաններում սկսած 1412 թ. բազմիցս հիշատակվում է ամիր Եզդինի հետ. «Իսկ ՊԿԱ (1412) ամի թուականութեան Հայկազեան տօմարիս, ի թագաւորութեան թաղթին Ղարայ-Յուսուֆին և ի կողմնապետութեան մերոյ աշխարհիս Ամիր Եզդնին և որդւոյն իւրոյ Մելիքին, որ յոյժ խնամածու և բարեկամ քրիստոնէից»³⁴: Երկրորդ անգամ այս «Մելիքը» հիշատակվում է 1418 թ. «...ի թուականութեան հայկազեան տօմարիս ՊԿԷ (1418) և ի հայրապետութեան տեառն Դաւթի, ի յերկիրս Հոըշտունեաց... ի դանութեանն պարոն Յուսուֆին, և ի բռնակալութեան Մերոյս նահանգի Ամիր-էզդնին և որդոյն իւրոյ Մէլիք-Մահմադին, որոց ազնական և պահապան լիցի նոցա տէր Աստուած, վասն զի յոյժ խնամածուք են ազգիս Հայոց...»³⁵: Այս վկայությունը ցույց է տալիս, որ իզզ ադ-դին Շիրի որդու անունը եղել է Մահմադ (Մուհամմադ):

1419 թվականին նարեկ գյուղում գրված ավետարանի հիշատակարանում Ոստանի նշանավոր ամիր իզզ ադ-դին Շիրը այլևս չի հիշա-

տակվում, նրան արդեն փոխարինել էր որդին՝ Մելիք Մահմադը. «...ի թուականութեանս Հայոց ՊԿԸ (1419) ի հայրապետութեան տեարն Դաւթի, և իշխանութեան Մերոյ նահանգիս՝ Միլիքի՝ որդոյ Ամիր էզըդին Մէլիքին»³⁶:

Այս վկայությունը հիմք է տվել Լ. Խաչիկյանին ենթադրելու, որ քուրդ իշխան Իզդ ադ-դին Շիրը իշխել է մինչև 1419 թ.³⁷: Սակայն պետք է ասել, որ նրա որդին՝ Մելիք Մահմադը, սկսած 1412 թվականից հիշատակվում է հոր հետ, հավանաբար վերջինիս ծերության պատճառով իշխանությունը վաղուց անցել էր որդուն, բայց հայ հիշատակագիրները ավանդաբար շարունակում էին հիշատակել ամիր Իզդ ադ-դինին³⁸:

Ուշագրավ են նաև «Եզդին» ամիրի փոխհարաբերությունները հարևան իշխանությունների և հատկապես Բաղեշի քուրդ տիրակալներին հետ: Սամվել Անեցու շարունակողը գրում է. «Ի թուին ՊԾԴ (1405) Շնմզդին Բաղէշու տէրն եկն և այրեաց զԱրծկոյ երկիրն, և սպանեաց շատ մարդ՝ և քահանայ բայց առնուլ ոչ կարաց, և խսարեաց զնա աւուրլս ԺԳ (13), և տէր նորա եդ ամիր Եզդին»³⁹: Այս վկայությունից երևում է, որ Իզդ ադ-դինի տիրույթների մեջ էր նաև Արծկէն: Երբ Բաղեշի տեր Շամս ադ-դինը փորձում է գրավել այն, նրա դեմ դուրս է գալիս Իզդ ադ-դինը: Բաղեշի և Վան-Ոստանի երկու քուրդ ամիրների միջև մղված պայքարը շարունակվել է: Ս. Անեցու շարունակողի վկայությամբ՝ «Ի ՊԿԸ (1419) Ամիր Եզդին բարկացեալ Վաստանայ՝ զնաց ի Բաղէշու երկիրն և այրեաց Կ(60) գեօղ մինչև ի գաւառն Սեղմայ»⁴⁰:

Թե երբ է մահացել Իզդ ադ-դին Շիրը և որքան է իշխել նրա որդի Մելիք-Մահմադը, այդ մասին վկայում է Ս. Անեցու ժամանակագրության շարունակողը՝ «Ի թվին ՊՀԲ (1423) մեռաւ Մելիքն Վաստանայ՝ և հայրն նորա ամիր Եզդին և իւր որդի»⁴¹:

Սամվել Անեցու շարունակողի այս վկայությունը հաստատում է մի հիշատակագիր. «...իսկ ի յ ՊՀԲ (1423) թվին զնաց նոյն Սքանդարն բազում զաւրաւք ի վերայ Ալբրիոյ և էառ զնա. և իշխան աշխարհիս Մերոյ զնացեալ առ նա բազում ընծայիւք ի գործ պատերազմին, և նա դեղ մահու արբուցեալ իշխանին Մերոյ Մէլիք-Մահմադին՝ սպան զնա և անհնարին սուգ և անմխիթար տրտմութիւն եհաս աշխարհիս մերոյ»⁴²: «Մելիք-Մահմադի» սպանությունը պետք է բացատրել նրանով, որ հաջորդի իշխանը հավանաբար անհնազանդություն էր ցուցաբերել Կարակոյունլու Սքանդարին: Այս շրջանում նորից փոխվել էր ուժերի հարա-

բերակցությունը: Թամուրյանները դեռ 1419 թ.⁴³ Լանկթամուրի որդի Շահուխի օրոք գաղտնի դաշնակցել էին ակ-կոյունլու Կարա-Օսմանի (1378—1435) հետ, որն իր հերթին հարձակումներ էր գործում Կարա-Կոյունլու պետութւյան արեւմտյան սահմանների վրա⁴³: 1421 թ. օգոստոսի 1-ին Լանկթամուրի որդի Շահուխը հսկայական բանակով Վաղարշակերտի դաշտում՝ Բագավանի մոտ Կարա-Յուսուֆի որդուն՝ Սքանդարին խայտառակ պարտութւյան է մատնում: Սքանդարն ու իր եղբայր Սպանդիարը փախչում են Մերդինի ու Մոսուլի կողմերը, իսկ Շահուխը մեծ ավարով վերադառնում է Խորասան⁴⁴:

Թամուրյանների այս հաղթանակից հետո (1421 թ.) Վանի և Ոստանի տեր Մելիք-Մահմադը հավանաբար լքել էր Թամուրյան տիրակալ Շահուխին: Քուրդ ամիրի նոր կողմնորոշման օգտին է խոսում Շարաֆ-խան Բիթլիսին. «824 (1421) թ. անսահման երջանկությամբ և հաջողությամբ համակված մալիք Մուհամմադ իրն մալիք Իզզ ադ-դինին, Բաղեշի և Խլաթի վալի (կառավարի) Շամս ադ-դին ամիրին վիճակվեց համբուրել Թիմուր Գուրգան ամիրի որդի՝ Միրզա Շահուխի գորգը: Նըրանք արժանացան կայսերական բարեհաճության, մեծաքանակ թագավորական առատաձեռնության և ստացան նոր հրովարտակներ կառավարման մասին: Միրզա Շահուխը դեռ այն ժամանակ, երբ Ալաշկերտի մոտակայքում թուրքմեն Կարա-Յուսուֆ ամիրի որդիների հետ արյունահեղ ճակատամարտ էր մղում, իրենց տիրույթները գնալու թուլլատուրություն էր շնորհել նրանց»⁴⁵:

Մելիք-Մահմադի սպանութւյնից հետո Ոստանում (Ռշտունիք) իշխում է նրա եղբայր սուլթան Ահմադը, որն արժանանում է նույն բախտին: 1425 թ. Աղթամարում գրված Ավետարանի հիշատակարանը կարևոր մանրամասներ է հաղորդում. «...չար բըռնաւորն ամիրզա Սքանդարն՝ տէրն Թավրիզոյ, ազգաւ թուրք, զամիրապետն Ոստան քաղաքի՝ զսուլտան Ահմատն՝ ըմբռնեալ է և երկաթի կապանաւք ի յԱլլընջոյ բերթն ի բանդի է եղեալ, խնդրելով ի նմանէ զանառիկ ամրոցս նորա: Եւ զերկիրս Հայոց՝ զԱղբակ և զՔարպահ և զՈստանայ երկիրս, մինչ ի Բաղէշ անմարդաբնակ արարեալ...»⁴⁶:

Վկայութւոյնը ցույց է տալիս, որ Ոստան քաղաքի տեր սուլթան Ահմադը բանտարկվել է Երեւակում (Ալինջա), ապա սպանվել է կարա-կոյունլու Սքանդարի կողմից՝ Վանի բերդը շահնձնելու համար: Նրա սպանութւնից հետո, Վանում իշխում է նրա որդի Մելիք-Ասադը, որը չկարողանալով դիմադրել Սքանդարին, 1425 թ. հանձնում է Վանի բերդը և անձնատուր լինում: Նույն թվականին նրա հորեղբայր Բահա ադ-դինը,

որը իշխում էր Ոստանում (Ռշտունիք) և Ուրմիայում, սպանվում է Սքանդարի կողմից: Այդ մասին տեղեկություններ է տալիս Թովմա Մեծոփեցին. «...և յերկրորդ ամին (1424) թուականին եկն ի վերայ Բաղիշու եւ հլաթայ, կոչեաց զամիրայն Շամշատին փեսա իւր... իսկ նորա բարկացեալ՝ հրաման ետ զօրաց իւրոց հաստանել զգլուխ նորա: Եւ ըմբռնեալ զտէրն Ռշտունեաց սուլդան Ահմադ անուն զորդի Եզդին ամիրային, և փութանակի եկն ի վերա դղեկին Վանա... և ի նոյն ամի ոչ կարաց առնուլ զնա, այլ երթեալ ի Թաւրէզ՝ ի նոյն ամին լռեաց, և զորդի Եզդին ամիրային զսուլդան Ահմատն սպան ի բերդն Երնշակայ: Դարձեալ ի միւս ամին 874(1425) թուականին եկն դարձեալ ի վերա Վանայ, եւ նրստաւ ի վերա նորա. եւ նեղեալ որդի քրդոյն Մէլիք Ասդ անուն՝ ետ ի նա զբերդն, եւ ազատեալ՝ ելեալ զնաց կահիւք եւ ընչիւք ի Ջուլամերկ: Եւ ի նոյն ամին սպանին զհօրեղբայրն նորին Պահաթին անուն առեալ զերկիրն Ռշտունեաց եւ զկղզի Աղթամարայ...»⁴⁷:

Ինչպես տեսնում ենք, Սքանդարը 1424—1425 թվականների ընթացքում կարողանում է գրավել հաքքարի ամիրների հիմնական տիրույթները: Վանում դիմադրություն ցույց տվող Ահմադի որդի՝ Մելիք-Ասադը ջախջախվում է, հանձնում բերդը և փոխադրվում Ջուլամերկ (Ջուլամերիկ) բերդը: Սրանից հետո Սքանդարի զորքերը գրավում են նաև Ուրմիան և սպանում Ահմեդի եղբորը՝ Բահա-ադ-դինին:

Սքանդարի երկու տարվա մղած մարտերը նպատակ ունեին գրավել հաքքարի ամիրների բոլոր տիրույթները և վերջ տալ կիսանկախ ամիրների կենտրոնախույս ձգտումներին: Լ. Խաչիկյանը ճիշտ է նկատել, որ հարավային Հայաստանի մի շարք շրջաններում՝ Բաղեշում, Ռշտունիքում, Խիզանում և այլուր հաստատված քրդական կիսանկախ ամիրությունները, տեղական շահերից ելնելով, բախվում էին կենտրոնական իշխանության հետ, վտանգի պահին լքում էին իրենց սյուզերենին և հաճախ հանդես էին գալիս թշնամիների բանակում⁴⁸: Մեր կարծիքով, նըշված հանգամանքները դրդապատճառ դարձան Սքանդարի 1424—1425 թթ. արշավանքների, որոնք, փաստորեն, վերջ տվեցին հաքքարի քրդական ամիրության անկախությանը:

Վանի և Ոստանի հաքքարի ամիրների տոհմաբանություն մեր զբաղվող մասնագետները որպես իշխանության հիմնադիր հիշատակում են ոմն Ասադ ադ-դին Քալանի իբն Իմադ ադ-դինին, որից իբր սերում են Ժժ դարի 80—90-ական թթ. նշանավոր Իզդ ադ-դին Շիրը և նրա հետնորդները⁴⁹:

Ո՞վ է, և ե՞րբ է իշխել Ասադ ադ-դին Քալանի կոչեցյալը. Շարաֆ-խանը վկայում է. «Հաքքարի կառավարիչների հետնորդներից մեկը՝ Ասադ ադ-դին իբն Գուլաբի (Իբն) Իմադ ադ-դինը ճակատագրի բերումով ընկել էր Եգիպտոս (և) ծառայում էր շերքեզ սուլթաններին...

Երբ Իրանում իշխանություն գլուխ անցավ Հասան-Բեկ ակ-կոյուն-լուն, նա անբարյացակամություն դրսևորեց Քրդստանի կառավարիչների հանդեպ և Սուֆի հալիլին ու Արաբշահ-բեկին, որոնք պատկանում են թուրքմեն ակ-կոյունլու մեծամեծ ամիրներին (դասին), ուղարկեց Հաքքարիյա (Հաքքարի) վիլայեթը նվաճելու։ Սուֆի հալիլը որոշ ժամանակ սպասեց հարմար առիթի։ Շուտով այդպիսի առիթ եղավ և ինքը հարձակվեց Հաքքարի կառավարչի՝ Իզզ ադ-դին Շիրի վրա, որը այդ ժամանակ այդ նահանգների կառավարիչն էր... Սուֆի հալիլը և Արաբշահ-բեկը հարձակվեցին նրա վրա և սպանեցին»⁵⁰։ Այնուհետև Շարաֆ-խանը հաղորդում է, որ Ասուրի ռայաթները, որոնք ուղևորվել էին Եգիպտոս և Սիրիա՝ արհեստագործության և առևտրի համար, տեսնելով Ասադ ադ-դին Ոսկեբազուկի գործունեությունը, իրար մեջ որոշում են, որ այդ մարդը հարմար է Հաքքարիյայի կառավարման գործին։ Նրանք այդ մասին հայտնում են Ասադ ադ-դինին, որը համաձայնվում է և մի խումբ Ասուրիների ուղեկցությամբ գալիս է Հաքքարիյա վիլայեթը։ Մի շաբաթ օր Ասադ ադ-դինը մի խումբ քաջամարտիկների հետ ներխուժում է Դիզ բերդը, վիլայեթը մաքրում թշնամիներից և իշխանությունն այսպիսով երկրորդ անգամ անցնում է Հաքքարի կառավարիչներին։ Շարաֆ օրը, այդ ժողովրդի լեզվով կոչվում է «Շամբո», դրա համար նրանք հայտնի դարձան որպես Շամբոյան կառավարիչներ։ Ասադ ադ-դինի մահից հետո իշխեց որդին՝ Իզզ ադ-դին Շիրը և թուրք՝ Զահիդ-բեկը⁵¹։

Շարաֆ-խանի՝ «Հաքքարի իշխաններին» հատկացված գլխում կարելի է տարբերել երկու իշխաններ՝ «Իզզ ադ-դին Շիր» անունով։ Մեկը իշխել է Ասադ ադ-դին իբն Գուլաբի ամիրից առաջ. նա հիշատակվում է Վանի բերդի գրավման կապակցությամբ (1387 թ.)⁵², նրա մահից հետո Եգիպտոսից այստեղ է փոխադրվում Ասադ ադ-դին իբն Գուլաբին (Ոսկեբազուկը)։ Իսկ մյուս ամիրը եղել է հենց Ասադ ադ-դին իբն Գուլաբիի որդին, որը իշխել է հոր մահից հետո։ Որքան էլ տարօրինակ լինի, «Ասադ ադ-դին իբն Գուլաբի իբն Իմադ-ադ-դին» ամբողջական անվան առաջին «իբն» (որդի) բառը բաց է թողնվել ուսումնասիրողների կողմից, իսկ Գուլաբի (کلاچی) անունը գրչական սխալի հետևանքով վերածվել է Քալանի (کلائی) ձևի, քանի որ (کلاچی) (Գուլաբի) ան-

վան «բա» տառի կետի տեղափոխությունը վերև հեշտությունը կարող է առաջ բերել Քալանի (کالی) անունը: Այս աղավաղումը ամենայն հավանականությունով կատարվել է Շարաֆ-նամեի՝ արաբ թարգմանիչների և հրատարակողների կողմից: Քուրդ իշխանի անվան Քալանի աղավաղված ձևն էլ մտել է գիտական գրականության մեջ և նրա ամբողջական անունը Ցամբաուրի և Մ. Ամին Ջաքիի կազմած տոհմածառի ցուցակում բերված է որպես «Ասադ ադ-դին Քալանի իբն իմադ ադ-դին»⁵³, որը պետք է սրբագրել որպես Ասադ ադ-դին իբն Գուլարի իբն իմադ ադ-դին: Սակայն գիտական գրականության մեջ տեղ են գտել ժամանակագրական բնույթի անճշտություններ ևս: Այսպես, հիշյալ իզդ ադ-դին Շիր ամիրը, որն իշխել է Ասադ ադ-դինից շատ առաջ՝ ԺԴ դարում, նույնացվել է ԺԵ դարի 80—90-ական թվականներին իշխած իզդ ադ-դին Շիր Բ-ի հետ: Այդ իսկ պատճառով վերոհիշյալ ուսումնասիրողների կազմած տոհմածառի մեջ իզդ ադ-դին Ա-ն առհասարակ բացակայում է: Այս բացակայությունը առաջացել է մասամբ հենց ուսումնասիրողների մեղքով, որոնք պարզապես սխալ են տարանջատել Շարաֆ-նամեի տեղեկությունները և մասամբ՝ Շարաֆ-խանի մեղքով, հավանաբար, իր նյութերի բանաբաղության և սխալ տեղադրության հետևանքով: Այսպես, Ասադ ադ-դին իբն Գուլարի իբն իմադ ադ-դին խորագրի տակ սկզբից Շարաֆ-խանը խոսում է Ասադ ադ-դինի՝ Եգիպտոս ընկնելու հանգամանքների մասին, որը մի կողմ թողնելով, այնուհետև պատմում է, թե նրանից առաջ Հաքքարիյայում իշխող իզդ ադ-դին Շիրի վրա հարձակվում են ակ-կոյունլու զորավարներ Սուֆի իսլիլը և Արաբշահ-բեկը, սպանում նրան և գրավում նրա տիրույթները: Նրա ըսպանությունից հետո Եգիպտոսից այստեղ է փոխադրվում Ասադ ադ-դին իբն Գուլարի իբն իմադ ադ-դինը (Ոսկեբազուկը), որը գրավելով Դիզ ամրոցը և Հաքքարիյա վիլայեթը մաքրելով թշնամիներից, վերականգնում է Հաքքարի քրդական իշխանությունը: Այս հատվածից հետո, այսինքն Ասադ ադ-դինի բնական մահից հետո, իշխում է նրա որդի իզդ ադ-դին Շիրը (Բ), և այնուհետև թողը՝ Ջահիդ-բեկը:

Վերլուծելով Շարաֆ-խանի տեղեկությունները վերոհիշյալ գլխում, պետք է նշել, որ Շարաֆ-խանը նույնպես չի տարբերել իզդ ադ-դին Շիր անունով երկու իշխաններին, այդ իսկ պատճառով իր ձեռքի տակ ունեցած նյութերը Հաքքարիների պատմության բաժնում ներմուծելու ժամանակ անճշտություն է թույլ տվել, այն է՝ սխալ տեղ են ընկել, որից և առաջացել են ժամանակագրական աղավաղումը և ժամանակավրիպումները: Այսպես, օրինակ, ըստ Շարաֆ-խանի՝ իզդ ադ-դին Շիր Ա-ն եղել

է ակ-կոյունլու զորավարների ժամանակակիցը, այնինչ իրականում իզդ ադ-դին Շիր Բ-ն է եղել ակ-կոյունլու զորավարների ժամանակակիցը, իսկ իզդ ադ-դին Ա-ն եղել է թամուրյանների և կարա-կոյունլու տիրակալների ժամանակակիցը: Շարաֆ-խանի տված տեղեկությունները իզդ ադ-դին Շիր Ա իշխանի սպանության մասին չեն հաստատվում հայկական, ապա պարսկական պատմողական աղբյուրների տվյալներով: Այսպես, ըստ Շարաֆ-խանի տվյալների, իզդ ադ-դին Շիրը սպանվել է ակ-կոյունլու զորավարներ Սուֆի խալիլի և Արաբ-շահ-բեկի կողմից⁵⁴: Սակայն Շարաֆ-խանի տեղեկությունների համեմատությունը հայկական, ապա պարսկական և այլ աղբյուրների տվյալների հետ ցույց է տալիս, որ այս իզդ ադ-դին Շիր (Եզդին-Շեր) ամիրը (Բ) իրականում սպանվել է ոչ թե Սուֆի խալիլի կողմից, այլ ակ-կոյունլու զորահրամանատար Սուլեյման Բիթան օղլու կողմից:

1489 թ. գարնանը (Ռաջաբ II 894) ակ-կոյունլու Յակուբ սուլթանը Սուլեյման-բեկ իբն Բիթանին ուղարկեց Վանա լճից հարավ ընկած քրդական շրջանները՝ ակ-կոյունլուների հսկողությունը այնտեղ վերականգնելու համար: Սուլեյման-բեկը արագորեն ընդունեց մի շարք ապստամբ ցեղապետների հպատակությունը, այնուհետև գրավեց նրանց լեռնային ամրությունների զգալի մասը, սակայն ապստամբության ղեկավարներ Ամադիայի Հասան Բահդինանին և Հաքքարիյայի իզդ ադ-դին Շիր Ազիզանին բռնելու նրա ջանքերը հաջողությամբ չպսակվեցին⁵⁵:

Ակ-կոյունլու սուլթան Յակուբի (1478—1490) գահակալության ժամանակ բուրդ ցեղապետների միացյալ ապստամբությունը ձախողվում է, մեծ վեզիր և զորահրամանատար Սուլեյման-բեկը նոր արշավանք է կազմակերպում բուրդ իշխան իզդ ադ-դին Շիրի դեմ, որը դաշնակցել էր Երզնկայի կառավարիչ Գուլարի-բեկի և ակ-կոյունլու զորահրամանատար Սուֆի խալիլի հետ: Այդ մասին Ճառընտիրի հիշատակարանում 1491 թ. վկայում է Մովսես գրիչը. «...իսկ Սուլեյմանն կոտորեաց զբուրդըն էզդինշեր, որ եկեալ էր յնախնէ՝ դարան գործել նմա, անձինս ԳՌ (3000): Եւ անտի դարձեալ դիմեաց ի վերայ Սօֆուն, և եհաս ի դաշտն Վանայ, և կոտորեաց զնա անդ և առեալ զորդի փատշահին և տարեալ եդ ի թաղթն»⁵⁶: Այս հիշատակության մեջ Եզդին-Շերը հանդես է գալիս որպես Սուֆի խալիլի դաշնակիցը և ոչ թե հակառակորդը: Այդ ճակատամարտի մասին վկայում է նաև պարսիկ հեղինակ Ֆազլուլահ իբն Ռուզբեհան խոնշին. «Գուլարիի»⁵⁷ զորագնդերի դժոխային չարակամության լուրը Սուֆի խալիլի լրտեսին հասնելուց առաջ մեծ Ամիրը (Սուլեյման իբն Բիթան—Ա. Խ.) նետվեց ճակատամարտի նրա (Սուֆի խա-

լիլի—Ա. Խ.) հետ և դաժան ճակատամարտից հետո, Վանի և Ոստանի միջև, կոտորեց թշնամու անթիվ զորքը: Այս երկու արշավանքների ընթացքում նա (Մեծ Ամիրը) աղվեսի նման ցանցի մեջ բռնեց նաև քուրդ Իզդ ադ-դին Շիրին⁵⁹:

Հավանաբար այս ժամանակ Իզդ ադ-դին Շիրը (Բ) մահապատժի է ենթարկվում Ուլուն-Հասանի զորահրամանատար և մեծ վեզիր Սուլեյման իբն Բիթանի կողմից, որի ձեռքում էին գտնվում Վասպուրականի մի շարք գավառները և մասնավորապես Վան քաղաքը իր շրջակայքով⁶⁰: Պետու-թյան ղեկն իր ձեռքը վերցնելու համար, նա արյունահեղ գահակալական պայքարի մեջ էր անվանի զորահրամանատար Սուֆի Խալիլի հետ⁶¹: 897 (1492) թ. աշնանը Վանի դաշտում տեղի ունեցած ճակատամարտում Սուֆի Խալիլը սպանվում է Դիարբեքիի տեր Սուլեյման իբն Բիթան օղլու կողմից⁶¹:

Անդրադառնալով Շարաֆ-խանի տեղեկությունը Իզդ ադ-դին Շիր Բ-ի սպանության մասին, պետք է ասել, որ այն չի հաստատվում հայկական և պարսկական աղբյուրների տվյալներով: Իզդ ադ-դին Շիր իշխանի մասին հայկական աղբյուրները տեղեկություններ են հաղորդում դեռ Ժն դարի 60-ական թվականներին⁶²: Այս տեղեկություններից երևում է, որ հաք-քարի իշխանները նորից գլուխ էին բարձրացրել և գրավել իրենց նախկին տիրույթները (ԺԴ դարում) Վանում և Ոստանում: Այս հանգամանքը պետք է բացատրել նրանով, որ ակ-կոյունլու սուլթանները Ժն դարի վերջին քառորդում այնքան էին թուլացել, որ չէին կարող ճնշել մանր իշխանությունների կենտրոնախույս ձգտումները: Դահի համար պայքարի մեջ էին բայթավոզ պետության զորավարները՝ Սուլեյման իբն Բիթանը, Սուֆի Խալիլը և Մուբարիզ ադ-դին Բայանդուր-բեկ իբն Ռուստամ-բեկը, նրանցից յուրաքանչյուրը ձգտում էր գահ բարձրացնել իր թագաժառանգին և այսպիսով պետության ղեկը վերցնել իր ձեռքը:

Վանում և Ոստանում Իզդ ադ-դին Շիր Բ-ի մահից հետո իշխում է նրա որդի Զահիդ-բեկը, որը 1498 թ. գրավում ու կողոպտում է Աղթամար կղզին⁶³: Այս իշխանի և նրա հաջորդների մասին հարուստ տեղեկություններ է տալիս Շարաֆ-խանը, սակայն նրանց իշխանության պատմությունը դուրս է գալիս նույն հոգվածի սահմաններից:

Ի մի բերելով աղբյուրների տեղեկությունները հաքքարի իշխանների ժամանակագրության և տոհմաբանության վերաբերյալ, պետք է ասել, որ հաքքարի իշխանները հարավային Հայաստանում (Ոստանում) հաստատվել և իշխել են ոչ թե ԺԴ դարի 80-ական թվականներին, այլ նույն դարի 30-ական թվականներին: Հաքքարի իշխանության հնագույն ներ-

կայացուցիչը և հիմնադիրը պետք է համարել արաբներեն վիմագրի Իզզ ադ-դին իշխանին (1335 թ.): Թե որքան է իշխել այս Իզզ ադ-դինը, դժվար է որոշակի ասել: Համենայն դեպս հայկական աղբյուրներից ԺԴ դարի 80-ական թվականներից հիշատակվող Նզդին-Շիրը (Իզզ ադ-դին Շիր) իշխել է մինչև ԺՆ դարի երկրորդ տասնամյակը (1412 թ.): Աղբյուրների տեղեկությունները թույլ չեն տալիս ավելի հաստատուն եզրակացություններ անել և արաբական վիմագրի ու հայկական աղբյուրների նույն-անուն իշխաններին նույնացնել, քանի որ նրանց մեջ ժամանակի առումով գոյություն ունի մոտ 50 տարվա տարբերություն:

Նշենելով այն փաստից, որ և՛ հայկական աղբյուրներում, և՛ արաբական վիմագրում մալիք (ամիր) Իզզ ադ-դինը հիշատակվում է որպես Ոստան և Վան քաղաքների կառավարիչ, կարելի է ենթադրել, որ խոսքը միևնույն անձնավորության մասին է, թեև նման երկարատև իշխանությունը (1335—1412 թթ.) քիչ հավանական է: Մյուս կողմից, քանի որ Իզզ ադ-դին Շիրի ամիրապետության վերաբերյալ հիշատակություններ են հանդիպում նրա մահից հետո (ընդհուպ 1445 թ., մինչդեռ նա մահացել է 1423 թ.), ուստի բացառված չէ, որ դեռևս ԺՆ դարի առաջին տասնամյակից սկսած հայ գրիչները ավանդաբար շարունակել են հիշատակել նրա ամիրապետությունը (իշխանությունը), թեև նա ասպարեզից արդեն հեռացել էր:

Իզզ ադ-դին Շիր իշխանի և նրա որդիների ու թոռների իշխանությունը վերջ է դրվում 1424—1425 թթ. կարա-կոյունլու սուլթան Սքանդարի կողմից:

Հայկական աղբյուրներից հայտնի են Իզզ ադ-դին Շիրի (Ա) հետևյալ որդիները՝ Մելիք-Մահմադ, սուլթան Ահմադ, թոռներ՝ Մելիք-Ասադ և Փիրի-բեկ: Այս Մելիք-Ասադը 1425 թ. Վան-Ոստանից տեղափոխվեց Զուլամերիկ և հաստատվեց այնտեղ:


Հաջքարի կառավարիչները եղել են հարավային Հայաստանի մի քանի գավառների կիսանկախ իշխանները: Նրանք գլուխ են բարձրացրել մոնղոլների իլխանական կայսրության քայքայման շրջանում՝ ԺԴ դարի 30-ական թթ.: Հետագայում, նրանք հպատակվել են սկզբից Զորանյաններին, ապա ջելաիրյան և թամուրյան տիրակալներին: Կարա-կոյունլու պետության ամրապնդման շրջանում որպես Թամուրյանների դաշնակից, նրանք բախվել են կարա-կոյունլու սուլթաններ Յուսուֆի և Սքանդարի հետ: ԺՆ դարի առաջին քառորդում հաջքարի իշխանները մերթ հնազանդվել են Թամուրյաններին, մերթ կարա-կոյունլու սուլթաններին և

Հանդես եկել նրանց հակառակորդների դեմ: Այս անկայուն վարքագիծը պատճառ է դառնում նրանց իշխանությունն կործանման 1424—1425 թթ.: Ժն դարի երկրորդ կեսում հաքքարի իշխանները նորից գլուխ են բարձրացնում Վանում և Ոստանում: Ավելի ուշ ԺԶ—ԺԷ դարերում հաքքարի-ների իշխանությունը տրոհվում է ավելի մանր՝ Զուլամներիկի, Ոստանի, Խոշարի և Բերկրիի իշխանությունների:

Ի մի բերելով տարբեր աղբյուրներում պահպանված տեղեկությունները հաքքարի իշխանների և նրանց շառավիղների մասին, ստորև ներկայացնում ենք նրանց ճյուղագրությունը ԺԴ—ԺԵ դարերում:

Վան-Ոստանում, Անձևացիում, Աղրակում և Հաֆֆարիայում իշխող (ԺԴ—ԺԵ դդ.) ամիրների տոհմագրությունը

Մալիք Իզգ ադ-դին (1335 թ. Ոստանում)



ОБ ОБРАЗОВАНИИ КУРДСКОГО КНЯЖЕСТВА ХАККАРИ В XIV В.

Резюме

До сих пор считалось, что курдское княжество из рода Хаккари, охватывающее районы Вана (Тосп), Востана (Рштуник) и Джуламерика (Хаккарийа), было образовано примерно в 80-х годах XIV в. Однако дошедшая до нас арабская надпись мавзолея «Халима Хатун» в Востане, датированная 736/1335 г. показывает, что курдский эмир из рода Хаккари-Изз ад-дин (Шир) утвердился в районе Востана в 1335 г. Таким образом, следует пересмотреть вопрос образования княжества Хаккари и дату формирования его отодвинуть назад примерно на 50 лет.

Курдские эмиры из рода Хаккари были полунезависимыми правителями в нескольких областях (Тосп, Рштуник, Андзевандик, Албак, Чахук и др.) Южной Армении и признавали верховную власть Джалаиридов, Тимуридов, Кара-Коюнлу и Ак-Коюнлу. В период господства султанов кара-коюнлу они не раз выходили из-под власти своих сюзеренов и переходили к другим, и часто появлялись в лагере противника. Подобная неустойчивая политика была одной из причин распада княжества в 1424—1425 гг.

ՄԱՆՐԱԳՐՈՒԹՅՈՒՆՆԵՐ

1. E. de Zambaur. Manuel de généalogie et de chronologie pour l'histoire de l'Islam, Berlin, 1955, p. 264 (այսուհետեւ՝ Zambaur), հմմտ. արար. Քարգմանու-թյունը՝ معجم الانساب والاسرات الحاكمة في التاريخ الاسلامي جزء ثانى، اخبرجه زكي محمد حسن بك وحسن احمد محمود، القاهرة، 1952، ص 199 «محمد امين زكي، تاريخ الدول و الامارات الكردية في العهد الاسلامى، القاهرة، 1949، ص 381—380»
2. «Հայ ժողովրդի պատմություն», հ. 4, Երևան, 1972, էջ 36, 58, «ԺՅ դարի հայերեն ձեռագրերի հիշատակարաններ», կազմեց Լ. Խաչիկյան, մասն երկրորդ, 1958, էջ I—VII, նույնի՝ «Памятные записи армянских рукописей», автореф. док. дис., Ереван, 1968, с. 33—34.
3. «ԺՅ դարի հայերեն ձեռագրերի հիշատակարաններ», կազմեց Լ. Խաչիկյան, 1950, էջ 153, հմմտ. «Ձուլցակ հայերէն ձեռագրաց Վասպուրականի», կազմեց Ն. Լալայան, պրակ առաջին, Թիֆլիս, 1915, էջ 114—115:
4. «ԺՅ դարի հիշատակարաններ», էջ 304—305:

5. ... الامير الكبير المقتول في مقاتلة الاكراد... تيمور قاش بن الامير الكبير
տե՛ս A. Kemali, Ahlat kitabeleri, Istanbul, 1936. S. 75. نورقاش
6. Ռովմա Մեծոփեցի, Պատմութիւն (անկ-Քատուրայ և հաշորդաց իւրոց, Փարիզ, 1860, էջ 29 (այսուհետե՛ս Ռովմա Մեծոփեցի):
7. «ԺԴ դարի հիշատակարաններ», էջ 339:
8. Նույն տեղում, էջ 414, հմմտ. «Յուդակ ձեռագրաց Վասպուրականի», էջ 203—204:
9. «Հայ ժողովրդի պատմություն», հ. 4, էջ 21:
10. Հ. Մանանդյան, Երկեր, հ. Գ, Ե., 1977 (այսուհետե՛ս Մանանդյան, հ. Գ), Zambaur p. 253.
11. Սամվել Անեցի, Հաւաքմանք ի գրոց պատմագրաց, Յառաջարանով, համեմատութեամբ, յովելվածներով և ծանօթութիւններով Արշակ Տէր-Միքէլեանի, Վաղարշապատ, 1893, էջ 170 (այսուհետե՛ս Սամվել Անեցի, շարունակող), հմմտ. Հ. Մանանդյան, Երկեր, հ. Գ, էջ 347, «Հայ ժողովրդի պատմություն», հ. 4, էջ 22:
12. «Հայ ժողովրդի պատմություն», հ. 4, էջ 22—23:
13. Ղ. Ալիշան, Հայապատում, Վեներիկ, 1901, էջ 554:
14. Répertoire chronologique d'épigraphie arabe, publié sous la direction de Et. Combe, de J. Sauvaget et de G. Wiet, t. XV, le Caire, 1956, pp. 65—66. (№ 5696):
15. Այս վիճադրի տեքստը և թվականը մեր խնդրանքով տեղում ստուգել է իրաքցի քուրդ պատմաբան Ա. Ռ. Յուսուֆը: Նա վկայում է, որ երկտողյա վիճադիրը կարդացվում է սահուն, թվականը և գրությունը ոչ մի կասկած չեն հարուցում, որի համար հայտնում ենք մեր խորին շնորհակալությունը:
16. ԺԲ—ԺԴ դարերի արաբ հեղինակները վկայում են, որ հաքքարի ցեղախումբը տարածվում էր Մոսուլից դեպի հյուսիս ընկած Ջադիրաթ Իրն Ումարի շրջաններում, ավաններում և գյուղերում: Այս երկրամասը հայտնի դարձավ «Հաքքարիյա» տեղանունով (տե՛ս «بدون سنة، معجم البلدان، مجلد خامس بيروت، ١٨٤٠» ص ٢٧٥ «الحكاية المنجذفي اللغة و الاعلام، بيروت، ١٩٨٢» ص ١٧٢):
- Որպես տեղանուն ԺԲ դարում Հաքքարիյան ընդգրկում էր Մեծ Ջարի վերին հոսանքի ընդարձակ գոտին Զուլամերիկ (Զլմար) գլխավոր քաղաք-ամրոցով (տե՛ս «Hakkari», El, N. E., t. 3, Leiden—Paris, 1971, p. 85, F. Taeschner, «Colemerik», El, E., vol. 2, Leiden—London, 1965, p. 57):
17. Ռովմա Մեծոփեցի, էջ 30:
18. «Հայ ժողովրդի պատմություն», հ. 4, էջ 58, Մանանդյան, հ. Գ, էջ 363, Ղ. Ալիշանը կասկածելի է համարում այս ազգակցությունը (տե՛ս Հայապատում, էջ 555, ծան. 1):
19. Մ. Օրմանյան, Ազգապատում, հ. Բ, մասն Ա, Պետրոս, 1960, էջ 1986 (№ 1371), 2010 (№ 1389), հմմտ. Հ. Մանանդյան—Հ. Անադյան, Հայոց նոր վկաներ, էջմիածին, 1903, էջ 189, 191—192, «ԺԴ դարի հիշատակարաններ», էջ 597, «ԺԵ դարի հիշատակարաններ», Բ, էջ LVII:
20. B. Karamagari, Ahlat mezartasları, Güven Matbaası, Ankara, 1972, s. 242: (No 106): Այս վիճադրի թվականը նշանելու համար հետազոտող Բ. Կարամագարան չի մեք է ընդունում մոտակա տապանադրի 815 (1413) թվականը և Փաշա իսթուլունի արձանագրությունը թվադրում է զրանից մի քիչ առաջ՝ 790—800 (1388—1398) թվականների արանքում (տե՛ս նշվ. աշխ., էջ 242):

21. «ԺԴ դարի հիշատակարաններ», էջ 597, նաև XII (առաջարան):
22. «ԺԴ դարի հիշատակարաններ», էջ 563, հմմտ. «Ցուցակ ձեռագրաց Վասպուրականի», էջ 117:
23. «ԺԴ դարի հիշատակարաններ», էջ 715:
24. Թովմա Մեծոփեցի, էջ 71, հմմտ. «ԺԵ դարի հիշատակարաններ», Ա, էջ 8:
25. Օրմանեան, Ազգապատում, հ. Բ, մասն Ա, էջ 1993—1994 (№ 1376), հմմտ. Մա-
նանդյան—Անադյան, Հայոց նոր վկաներ, էջ 182—183:
26. Մանանդյան, հ. Գ, էջ 366:
27. Թովմա Մեծոփեցի, էջ 47:
28. F. Sumer, Qara-Qoyunlu, El, N. E., vol. IV, Leiden—London, 1975, p. 586.
29. Թովմա Մեծոփեցի, էջ 47—48:
30. Նույն տեղում, էջ 48:
31. «ԺԴ դարի հիշատակարաններ», էջ 621:
32. Նույն տեղում, էջ 622:
33. Թովմա Մեծոփեցի, էջ 70:
34. «ԺԵ դարի հիշատակարաններ», Ա, էջ 580:
35. Նույն տեղում, էջ 220:
36. Նույն տեղում, էջ 231:
37. «Հայ ժողովրդի պատմություն», հ. 4, էջ 36, 58:
38. Մի հիշատակագիր նշում է. «... արդ (1444) շինեցաւ ի հիմանց սուրբ Վարդան զու-
րավարի գումբեթաձև և երկնանման տաճարն՝ ... ի զանութեան Ղարա-Յուսուֆին,
յամիրապետութեան Ոստան քաղաքի՝ Ամիր-էզզընին և որդոյն իւրոյ Մէլիք-Մահմա-
դին» (տե՛ս «ԺԵ դարի հիշատակարաններ», Ա, էջ 565): Նույն թվականին այլ հիշա-
տակագիր նշում է. «...յամիրապետութեան երկրիս Մէլիք-Մահմադին և հարն իւրոյ
և մօրն, և...» (տե՛ս «ԺԵ դարի հիշատակարաններ», Ա, էջ 566):
39. Սամվել Անեցի (շարունակող), էջ 172—173:
40. Նույն տեղում:
41. Նույն տեղում:
42. «ԺԵ դարի հիշատակարաններ», Ա, էջ 375:
43. «Հայ ժողովրդի պատմություն», հ. 4, էջ 34:
44. Թովմա Մեծոփեցի, էջ 81, հմմտ. «Հայ ժողովրդի պատմություն», հ. 4, էջ 35, Մա-
նանդյան, հ. Գ, էջ 384—385:
45. Scheref-nameh ou Histoire des Kourdes par Scheref, prince de Bidlis, publ.
pour le premiere fois, trad. et annoté par V. Vellamiof-Zernof, t. 1, texte
persan, premiere partie, St-g, 1860, p. 91 (այսուհետև՝ Scheref-nameh, 1, 1),
Cheref-nameh ou fastes de la nation kourde par Cheref-ouddine, prince de
Bidlis, dans l'ialet d'Arzeroume, trad. du persan et commentes par F. B.
Charmoy, t. 1, pt. 2, St-g. 1870, p. 118—119 (այսուհետև՝ Cheref-nameh,
1, 2).
46. «ԺԵ դարի հիշատակարաններ», Ա, էջ 326, 328, 376, Սամվել Անեցի (շարունակող),
էջ 173, «Ցուցակ ձեռագրաց Վասպուրականի», էջ 353, Մանանդյան, հ. Գ, էջ 386—
387:

47. Բովմա Մեծոփնցի, էջ 84, հմտ. «Ժն դարի Հիշատակարաններ», Ա, էջ 326, 328, 375, 376, Սամվել Անեցի (շարունակող), էջ 173, «Շայ ժողովրդի պատմություն», հ. 4, էջ 36, 58, Մանեղյան, հ. 7, էջ 386:
48. «Շայ ժողովրդի պատմություն», հ. 4, էջ 36:
49. Zambaur, p. 264, արաբ. Թարգ., հ. 2, էջ 393, հմտ. محمد امين زكى، تاريخ الدول والامارات الكردية، ص: ٣٨١—٣٧٠:
50. Scheref-nameh, I, 1, p. 92, Cheref-nameh, I, 2, p. 117—118.
51. Scheref-nameh, I, 1, p. 93, Cheref-nameh, I, 2, p. 118—119.
52. Վանի բերդի դրավման հիշտ թվականը պահպանվել է «Շարաֆ-նամեի» որոշ ձեռագրերում և արտացոլվել է Վ. Վելյամինով-Ջերնովի հրատարակած պարսկերեն բնագրում (տե՛ս «Scheref-nameh», I, 1, p. 90): Շարաֆ-նամեի ֆրանսերեն Թարգմանության մեջ ինև ընդգրկում պահպանվել է սխալ «787» թվականը, սակայն Թարգմանիչ Յ. Շարմուան վերականգնում է այն և ծանոթագրությունների մեջ 787 սխալ թվականի փոխարեն առաջ է 789 (1387 թ.) (տե՛ս «Cheref-nameh», I, 2, p. 116, հմտ. անդ I, 1, p. 503, note 294): Գծարխտարար, Շարաֆ-նամեի ռուսերեն Թարգմանության մեջ այդ թվականը մնացել է սխալ ձևով և Թարգմանչուհի Ն. Վասիլևան չի նկատել նախորդ Թարգմանիչների ճշտումը և լուծ տեքստում՝ հանգավորված բանաստեղծության վերջում բերված՝ كي وان بگرفت (ն՛ր է վերցրել Վանը) խոնորաման, որի թվական հանրադրմամբ (տառերի թվական արժեքների) հավասար է 789 (1387) միավոր (տե՛ս Шараф-хат ибн Шамсаддин Бидлиси, Шараф-наме, т. I (перевод, примечания и приложения Е. И. Васильевой), М., 1967, с. 153, 515 (прим. 273)).
53. Zambaur, p. 264, արաբ. Թարգ., հ. 2, էջ 393, հմտ. Մ. Ա. Ջաբի, Զեյ. աշխ., էջ 380—381.
54. „Scheref-nameh“, I, 1, p. 92, „Шараф-наме“, I, с. 155—156.
55. J. E. Woods, The Aqquyunlu, clan, confederation, empire. A study in 15-th/9-th century turko-iranian politics, Minneapolis-Chicago, 1976, p. 156.
56. «Ժն դարի հայերեն ձեռագրերի Հիշատակարաններ», մասն երրորդ (1481—1500 թթ.), կազմեց Լ. Խաչիկյան, 1967, էջ 174 (այսուհետև՝ «Ժն դարի Հիշատակարաններ», Գ):
57. Ամիր-բեկի որդի Գուլարի-բեկը Երզնկայի Թուրքմեն ալ-կոյունլու (Մոսուլլու) կառավարիչն է: Նա մասնակցել է զահակալական պատերազմին և հանդես է եկել որպես Սուֆի խալիփ դաշնակից (տե՛ս Woods, The Aqquyunlu, p. 163): Մեղ է հասել նրա արարքերին արձանագրությունը, որը փորագրված է Երզնկայի «Մայր մզկիթի» մուսթրի վրա 1489 թ. (տե՛ս A. Kemali, Erzincan Tarihi, Istanbul, 1932, s: 236):
58. V. Minorsky, Persia in A. D. 1478—1490. An abridged translation of Fadlullah b. Ruzbihan Khunjis „Tarikh-i alam-ara-yi aminl“, London, 1957, p. 24.
59. «Շայ ժողովրդի պատմություն», հ. 4, էջ 57, նաև 53:
60. Այդ մասին մանրամասն տե՛ս «Շայ ժողովրդի պատմություն», հ. 4, էջ 51—53:
61. Minorsky, Persia, p. 113, հմտ. «Շայ ժողովրդի պատմություն», հ. 4, էջ 53:
62. «Ժն դարի Հիշատակարաններ», Բ, էջ 22, 282:
63. «Ժն դարի Հիշատակարաններ», Գ, էջ 277: